

Ա. ԽԱՆԱՆ

ԿՐՈՎԿԾԵ

ՊԵՅՐՈՒԹ

1938

891.99

Դ - 68

08 JUL 2011

ԿՐԱԿԸ

891.99
h-68

891.5
UT 311.5

Ա. ԻՆԻԱՆ

Նոյն հեղինակեն

ՏՈՒՆԵՐՈՒ ԵՐԳԸ

(ՔԵՐԹՈՒԱԾՆԵՐ)

Լոյս տեսած 1936 ին , Պեյրուր սպառած

ԿՈՎԱԿԸ

Պեյրուր
1938

APR 2013

32629

ԱՆՈՒՆԻ ՄԸ ՀԱՄԱՐ

Որքա՞ն ատեն դեռ սպասել ձեռնունայն,
Բոլոր փարթամ խնճոյքներու տան առջեւ,
Հայրենածայն փոքրիկ անուան մը միայն՝
Մեռնող շոնչի մը չափ անուշ ու թեթեւ։

Բա՛ռ մը միայն, որ ամէն ժամ, ամէն ուր
Պիտի դառնար իմ արիւնիս մեղեղին,
Լոյսի մատեան, հաւատքի զանգ հեշտալոր,
Իմ կեանքիս մէջ՝ սիրասուն կեանքն ուրիշին։

Ծովածաւա՛լ ամբոխներու ընդմէջէն
Երբ անցնէի ես կորարւած ու մինակ,
Ան՝ մեծափառ տան մը կեանքին նման շէն՝
Պիտի հնչէր յանկարծ թափուր կուրծքիս տակ։



3144-2011

Ամէն գիշեր, խաւարին մէջ մահածոր,
Նպարտօրէն իմ արիւնող վիշտերուն
Անուն մը թո՛ղ դառնար շոյանք եւ օրօր՝
Անձրեւի պէս, արցունիքի պէս հեկեկուն...

Ամէն աւտու, համբոյրին հետ արեւու,
Տենդէն այրաց զիղերուս մէջ թող վառէր
Եղերական գինովութիւնն ապրելու
Եւ նոր աւիշ եւ սարերու հըրաւէր:

Թող ան ըլլար կապոյտ մշուշ ու ցնորք՝
Յիշատակին պէս հեռաւոր անցեալի,
Եւ թող ըլլար դեռ սպասում, դեռ խոռվք՝
Երազին չափ նոր գալիքի մ'անձկալի...

Բայց անձնուրաց .բայց արիւնո՞տ խենթութեամբ
Ես կոռէի, որ չեղծրէիր ան երենք,
Ժըխորէն լիր, բարձունքներու մէջ անամպ,
Անունիս քով՝ այդ անունը դիւրաբեկ:

Անուն մը լոկ կուրծքիս վրայ պինդ գրկած,
Իրեւ միա՛կ իմ բաժինն այս աշխարհէն,
Իրեւ Յալթերգ մ'ունայնութեան դէմ հետուած՝
Ես փակէի՛ աչքերըս գոհ, մեղմօրէն...

1933

ԶՐՈՅՑ ԵՐԱԶԻ ՄԸ ՀԵՏ

Ես եմ ահա այն տղան, որուն հոգին դուն ճանչցար
Հորիզոնէն հեռացող ամպերուն մէջ՝ լոյսի պէս...
Եւ գարնան գաղց գիշիրներ միշտ անոր ծայնը պայծառ
Հնչեց այնքան մտերիմ, որ քու արիւնդ էր կարծես:

Տեսիլքըս միշտ քեզի հետ քալց շուքիդ պէս հլու,
Օրերուդ գետն յորդեցաւ իմ մեծ սիրով անանուն,
Կեանքը դարձաւ շա՛տ աղքատ սեղանին շուրջ մարդերու
Եւ սիրտըդ դուն պահեցիր իմ աչքերուս արեւուն:

Հիմա երբ ինձ կ'երազես պատուհանիդ դէմ նստած՝
Գուցէ անցորդն եմ տրաում, որուն վրայ կը խղճաս
Կամ ծովերո՛վ բաժնըւած օտարական մը անյայտ:

Կը միանանք մենք արդեօք.—Թերեւս միայն ա՛յն ատեն,
Երբ թեւերու մէջ օտար կը թառամիս դուն արդէն
Ու երբ ես ալ կը մենիմ, որոնելով քու ճամբաղ...

1933

Տեղուած սոյլեր կարօտագին սուրացին
Միշտ դէպի նոր հեռուներու երազին...
Իսկ հին, փըլած սիւնի մը պէս դղեակի
Ե՛ս, միայն Ե՛ս մնացի:

Եիծեռնակներն եկան, կրկին մեկնեցան,
Լոյսերն հանգան, հանգան սէրերն ալ գարնան.
Ես կ'ըսպասեմ դեռ ճառագայթ մը բարի,
Ա՛հ, ես շատ ուշ մնացի:

Բացին դոներն հաճոյրի մեծ դահլիճին.
Հարսնեւորներ դարձան՝ բոլո՛րը գացին,
Յիմար կոյսին նման առանց լապտերի
Դուքս միայն ես մնացի:

Աւ ժամանակն երկաթաբայլ արշաւեց
Արտիս հարուստ ածուներէն մահամերձ...
Արդ, դագաղիս վրայ հսկող մոմի պէս՝
Դեռ մինչեւ երբ մնամ ես...

1934

Մեր կարաւանն անցաւ վաղուց մութին հետ,
Սնցաւ ամէն ծանօթ կանչ եւ արահետ,
Ու չոր գլխուս, աշխարհին դէմ մեկուսի՝
Հոս միայն ես մնացի:

Շուրջըս դրօշներ շեփորուեցան յաղթապանծ,
Իր բոցեղէն երգն ունեցաւ ամէն անծ,
Բայց ես ծարաւ արծագանգի եւ լացի՝
Ե՛ս միայն լուռ մնացի:

Կեանքն էր շոայլ դափնինեհանդէս ամենուն,
Ուր շողացին ճակատներն իսկ հողի գոյն...
Ես արժանի չեղայ ո՞չ մէկ բարեւի,
Ե՛ս միայն մութ մնացի:

ԻՄ ԱՐԻՒՆՍ

Իմ արիւնըս նման է յորդ աղբիւրին
Աւերակ տան մը պարտէզին մէջ թափուր,
Ուր դեռ անվերջ կուլայ կարկաչն իր նախկին
Հին օրերու արձագանգին չափ տխուր...

Իմ արիւնըս եւ ո՛չ մէկ ծիլ կը ցողէ.
Մուայլ ջուրին պէս վիհերու անյատակ,
Խո՛ւլ հեծքերով կ'երթայ անյայտ անցքերէ
Ցնորահեւ ժամանակչն ալ արագ...

Իմ արիւնըս երկունքներէ միշտ խըսով
Ունայնաբոյս ծառի մ'աւիշն է եռուն,
Որ կը հօսի անարգասիք պոռթկումով
Եւ ոստերուն կը ճամբէ լոկ քաղցր թոյն...

Ա՛հ, իմ արիւնս գինիի պէս քրմական՝
Հրդեհներով, զոհերգներո՞վ կը թնդայ.
Բայց չկրցայ ու չեմ կարող թափել զայն
Մեծ երազի մը սրբազան բոցին վրայ...

1934

ԱՌԱՋԻՆ ՍԷՐ

Սնցէք աղքատ, անցէք հիւանդ, ունա՛յն օրեր,
Կեանքին վըրայ ահա կեա՛նքս է որ կը ծագի
Կախարդալոյս արեւծագի մը պէս վճիտ.
Եւ յաղթակա՛ն՝ կամարներէն կ'անցնիմ փառի,
Ավերուս մէջ լեցուն ոսկի ու մարգարիտ...
Սնցէք աղքատ, անցէք հիւանդ, ունա՛յն օրեր,
Հէքեաթ աղջի՛կ մ'ինձ կը սիրէ:

Բերէ՛ք ինծի, բերէ՛ք վարդեր ու ծաղիկներ,
Որ ես գգուեմ իրիկուան մէջ գարնանային.
Սակայն ինչպէս ցուրտ է հոգին մեր մատներուն,
Կ'ուզեմ զանոնիք գգուել բոցովն իմ արիւնին
Եւ ժպտազին նայիլ անայց անդունդներուն...
Բերէ՛ք ինծի, բերէ՛ք վարդեր ու ծաղիկներ,
Յասմիկ աղջի՛կ մ'ինձ կը սիրէ:

Դարձէք, դարե՛ք, դարձէք նորէն ու լսեցէք .—
Հիմա ինձմով բնութեան չափ մարդն է անհուն .
Միջոցին մէջ կարօտի գաղջ ալիքներ կան .
Կը բոլորչին ոսկորներն իսկ մեռելներուն .
Նոճներէն կ'անցնի սարսուն անմահութեան . . .
Դարձէ՛ք, դարե՛ք, դարձէք նորէն ու լսեցէք՝
Երազ աղջի՛կ մ'ինծ կը սիրէ :

Ես կը վախնամ, ես կը դողամ տղու մը պէս .
Այս որքա՞ն փայլ զոյգ մ'աչքերու շողերուն տակ .
Որքա՞ն կարապ սրտիս անափ լճին վրայ . . .
Ահա կ'անցնին հովերու պէս ծամեր արձակ
Եւ միշտ իրեն կը կանչէ զիս ծայն մ'հեռակայ . . .
Ես կը վախնամ, ես կը դողամ տղու մը պէս .
Բգի աղջի՛կ մ'ինծ կը սիրէ :

Թող ըլլայ մութ, թող ըլլայ լոյս, խորունկ գիշեր .
Ոչ մէկ շշուկ զայ լուութեան մեծ մեհեանչին .
Ծառերն ամբողջ բոյրերու մէջ թող նըւաղին
Եւ այն ատեն հնչէ յուշի՛կ, յաւերժօրէն
Լոկ բառերուս անկարելի սա մեղեղին . . .
Թող ըլլայ մութ, թող ըլլայ լոյս, խորունկ գիշեր,
Սիրերգ աղջի՛կ մ'ինծ կը սիրէ :

1934

ԲԱԳՈՍԻ ՍԵՂԱՆԻՆ ԱՌՁԵՒ

Բոլո՞ր այն տորց՝ որ գիտեն հասնիլ սրբազն
Խենթութեան եւ գիտեն պահել միշտ իրենց հո-
գին լրյսի պէս մարուր:

Գինի լից, ընկե՛ր, զինի լից, խմողաց՝ հազա՛ր անուշ . . .

Միակ պատգամն է անանց այս անցաւոր աշխարհին,
Որ շեփորներն հովերուն դեռ դարէ դար կը տանին
Մեր հեթանոս պապերու մեհենական խնճոյքէն .
Թո՞ղ անարին ծերուկներ իմաստութիւն քարոզեն,
Մենք քրմական ծեռքերով, եղբայրութեան մէջ անհուն,
Մեր բաժակաները բիւրեղ բախսնք պայծառ աստղերուն :

Գինի լից, ընկե՛ր, զինի լից, խմողաց՝ վա՛ռք ու պարծանիք

Աա՛ է սեղանը զոհի երազայորդ սրտերու
Եւ հերոսներ լոկ կրնան ըլլալ անոր խնկարկու . . .
Թո՞ղ հրդեհներ եւ երգեր վառէ զինին շիթ առ շիթ
Մեր կուրծքերուն տակ ծարաւ եւ աչքերուն մէջ վճիտ .
Զի մենք եռուն արիւնով զիտենիք խնդալ մահուան դէմ
Եւ թոշունի պէս ազատ ըլլալ աշուղ ժպտաղէմ . . .

Գինի լից, ընկեր, գինի լից, խմողաց՝ անհունութիւն.

Այնքան լոյսեր կան հեռուն, գեղեցկութիւն ու քերթուած,
ինչպէս հասնիլ ամենուն, ինչպէս ապրիլ զրկուած.
Խմենք կենացն աշխարհի բոլո՞ր չքնաղ կոյսերուն,
Բոլո՞ր սիրով նետահար հոգիներուն անանուն.
Խմենք յանո՞ւն երկնամուխ սարերու սէգ երազին,
Յանուն ծառին ու ծաղկին բացած գինով հանդէսին...

Գինի լից, ընկեր, գինի լից, խմողաց՝ մոռացութիւն...

Ի՞նչ տուաւ մեզ, հայ տղոց, կեանքի Պարիկն անիրաւ.—
Միայն դաժան հալածանք, պանդուխտի ցուպ, անվերջ
Փեռեկուած դրօշներ ու հայրենիք մը գերի [ցաւ,
Եւ դեռ ամէն գանկի տակ՝ մղձաւանչներ արիւնի ...
Օ՛, մեր անմար պապակին տուէ՞ր գինի ամէն օր, —
Ատելութեան, վրէժի գինին թոյնի պէս հզօր ...

Գինի լից, ընկեր, գինի լից, խմողաց՝ անմահութիւն...

Այս հեղուկին մէջ բոսոր ամբողջ ծովեր կան նիրհած,
Փոթորկումներ սանծահար ու նուազներ մեղմասաց,
Հո՞ն է երայրքն արեւուն եւ զոլ աւիշը հողին,
Հո՞ն է երկինքն երազի, ինչպէս մեղքի ծիրանին.
Եւ կայլակներն անոր զինջ լուսոոոզել լոկ կրնան
Թաքուն սերմերը մեր մէջ՝ յաղթանակի, յարութեան...

Գինի լից, ընկեր, գինի լից, խմողաց՝ երանութիւն.

Փոխենք գլուխներն այս անպէտ եւ ծանրօրէն իմաստուն
Բաժակ մը եւա՝ ու ահա՝, մշուշածոււփ հեշտութիւն,
Կը խեղդուի ամէն յուշ, ամէն տենչանք սնամէջ
Մեր ջիղերէն բարձրացող վալսի տենդոտ յործքին մէջ.
Եւ մենք այսպէս, յամրօրէն կ'ընդիսառնուինք միասին
Տիեզերքի անգիտակ, դաշնաթաւալ կշռոյթին ...

Գինի լից, ընկեր, գինի լից, խմողաց՝ զգաստութիւն.

Վերջին շրջան մըն ալ դեռ՝ մինչեւ հնչէ կէս զիշեր
Մինչեւ մահուան կարօտին նուիրումով ինքնաբեր՝
Կեանքի գաղտնիքն ամենուն՝ իր շրթներուն գայ բացուիլ
Մինչեւ դառնայ ամէն բառ հեծկլտանքի ջերմ կաթիլ
Եւ բաժակին հետ դատարկ՝ մենք մեր սրտերը փշրենք
Ապաշաւի ժայռերուն դաժանութեան դէմ աննննգ ...

Գինի լից, ընկեր, գինի լից ...

1937



ԵՐԲ ԿԸ ԽՈՐՃԻՄ ՔՌԻ ՎՐԱԴ

Երբ կը խորհիմ քու վրադ՝
Իմ հեւասպառ, բազմաժխոր առօրեաս
Կ'ըլլայ, յանկարծ սիրոյ պուրակ ու դրախտ,
Ուր կը մտնեմ ես հիացիկ, երկիւղած...

Երբ կը խորհիմ քու վրադ՝
Արեւն ամբողջ կը լեցուի ներս հոգիէս
Եւ զերթ մահուան դռնէն դարձող մը հիւանդ՝
Այս նոր կեանքին ես կը փարիմ խենթի պէս...

Երբ կը խորհիմ քու վրադ՝
Շուրջըս երգի հին ծուէններ կը յածին
Եւ կը ծփան մեղմ համբոյրներ սիրառատ.
Ես կ'ընկղմիմ բոյրերու մէջ գարնային...

Երբ կը խորհիմ քու վրադ՝
Կ'ըզգամ որ արդ տեղ մը ծաղկած ծառեր կան,
Զով զրվէժներ կը կարկաչեն անընդհատ,
Սարերն ի վեր նուրբ կածաններ կը սողան...

Երբ կը խորհիմ քու վրադ՝
Երբ կը խորհիմ, որ ունիմ քեզ եւ քեզմով
Այսքա՞ն հարուատ երջանկութիւն, այսքա՞ն բախտ՝
Ես կ'աղօթեմ, ես կ'արտասուեմ դողալով...

Երբ կը խորհիմ քու վրադ՝
Կ'ուզիմ շինել կեանքըս բաժակ մը՝ լեցուն
Զոհաբերման վառ զինիով անարատ
Եւ զայն վշրել տեսիլքիդ լո՛յս ոտքերուն...

1937

ԳԱՐՆԱՆ ԱՆՁՐԵՒԻՆ

Ապրիլեան զոհերու յիշատակին

Տեղա՛, անձրեւ, օրհնութեան պէս աւետածայն,
Արտ ու արօտ կանանց յոյսով լեցուր անվերջ.—
Քու կենսախայտ համբոյրիդ տակ կը սարսըռան
Ոսկի սերմեր հողին յղի կողերուն մէջ :

Յիշէ՛, անձրեւ, ամբողջ երկիր մ'ալ աւերակ,
Ուր արդ մա՛հ է, մոխիր ու մուխ ու լուռթիւն...
Սրինաբոյր շններուն մէջ պահ մը հիմակ
Օրօրէ սուգն իր սարերու ոգիներուն...

Իջէ՛ր, անձրեւ, վարդաջուրի պէս հոտեւան.
Թող ծաղիկներ բաժակն իրենց քեզ երկարեն,
Ամպերէն վար հոսի մակա ու ծիածան
Եւ թող պայթին գինով նիչեր թաւուտներէն :

Դիտե՛ս, անձրեւ, Ապրիլի հարս ծառերուն պէս
Ի՞նչ հասակներ տապալեցին գիշեր մ'անհուն...
Ա՛հ, պուտ մը զուր հասցուր անոնց, այդ լեռնադէզ՝
Անապատի տապէն պապակ ոսկորներուն...

Հոսէ՛, անձրեւ, սիրերգի պէս հարսանեկան.
Սրտերն ահա կ'ընդիսառնուին լարերուդ հետ
Եւ բերկրութեամբ եւ հեշտանքով կը լիանան
Ճերմակ տուներ՝ տարափիդ տակ խաղաղաւէտ:

Հիմա, անձրեւ, ծեր պանդուխտներ կան ամէն տեղ,
Որ յուշերու ցուրտ կրակին դէմ կը մաին...
Անոնց խարխուլ հիւղակներուն վրայ թիթեղ՝
Թափէ երազն իրենց հօտի ոտնածայնին...

Եկո՞ւր, անձրեւ, աղօթքի պէս թաղմանական.
Ես կ'ուզեմ լալ մանուկի տաք աչուրներով
Այնքա՞ն ուրախ տօնին համար սա յո՛րդ զարնան
Եւ կեանքերուն՝ որ ինկան մերկ եւ անզորով...

1934

Խոնաւ էր, օղը գաղջ, ամպամած,
Դուն ըսիր. «ախ, երնէ՛կ անձրեւէր».
Եւ մեր զոյգ ճակատին՝ յեղակարծ
Ինկան զոյգ անձրեւի կաթիլներ:

ՅԻՇԱՏԱԿ

Երէկ էր, երազ էր ու հըրա՛շք.
Կ'երթայինք կողք-կողքի միասին՝
Մոլորոն քայլերով ներդաշնակ,
Ամայի կածանէն գիւղակին...

Գիշեր էր, լուսթիւն ու մշուշ.
Մայրիներ արծանի պէս անշարժ...
Ափիս մէջ ծեռքըդ քու աղուանուշ
Կը դողար թուզունի պէս անվարժ:

Ամառ էր, խե՛նթ օրեր, արծակուրդ.
Մութին մէջ կ'երթայինք մենք անվերջ.
Եւ սէր կար եւ կարօտ անյագուրդ՝
Մեր կուրծքին, քայլերուն, աչքին մէջ...

Եւ երգ էր, ցայգատօն, ցնծութիւն.
Կ'արբենար տարիաշունչ ծառ ու հող.
Կը հնչէր ծիծաղըդ քու ծփուն
Սնձրեւի տարափին տակ աճող:

Գիշեր էր, որոտում ու անձրեւ.
Փայլակով լուսաւոր մեր ճամբէն
Կ'անցնէինք հովերու պէս թեթեւ,
Երջանի՛կ, թրջըւած, հեւալէն:

Եւ յաճախ, կը յիշե՞ս, իմ կուրծքին
Կ'իյնայիր գուն իբրեւ չա՛ր մանուկ,
Համբոյրներն իմ այրող կ'իջնէին
Մազերուդ, ճակատիդ քու տամուկ:

Երազ էր, հըրաշք էր հոն հեռուն.
Մեռած էր ամէ՛ն մարդ, ամէ՛ն կեանք.
Եւ կայինք երկուքով՝ ես ու դուն՝
Գիշերին, աշխարհի՛ն մէջ մինակ...

1937

ՏԱՐԱԿՈՅՍ

Գարնան շունչին մէջ կենսախայտ արդէն ձմեռ կ'ապ-
թիլ ու ծաղիկ լոյսին առջեւ մահուան դողով կը տա-
տանին.
Գեղեցկութիւնն է պարզ շղարշ ցնորախաք մեր աչքե-
րուն.
Անուշ օրերն ասուպներ են՝ մարդկային մութ հորիզո-

նին . . .

* *

Այս ծովափնեայ քաղաքին մէջ, որուն կ'իշխէ շունչդ
կախարդ,
Ուր քար ու հող կը բաքախնն քու քայլերուդ արծագան-
գով,
Ուր մեր սիրոյ արեւն հզօր ամէն առառւ կ'իշնայ վրադ
կեանքն ի՞նչ արագ կ'ըլլայ երազ, ժամերն ի՞նչ շուտ
կը հոսին ծով:

Ի՞նչպէս քեզ մօտ քեզ հաւատալ, դուն լոյսի կեանք
ամպերու քոյր . . .
Թեւերա, աւա՛ղ, հող են փխրուն ծովուն համար քու
գանծերուդ.

Ըլլամ մինակ թէ քովէ քով մտերմօրէն քեզ անձնա-
ռուր՝
կ'իշնէ սրտիս նոյն հեռաւոր միայնութեան սարսափը
մութ:

Քեզմէ անդին դեռ ո՞ւր վինտոել կեանք, արբեցում եւ
յաղթանակ.
Բայց քու բոցէ համբոյլներդ իսկ համբոյլներ են հը-
րաժեշտի,
Քեզմէ հոսող երջանկութեան աստեղաշիթ տարափին
տակ՝
Բաժա՛ս յաւէտ կը լեցուի լոկ տառապանքի զուրով լեղի:

Ահ, քեռն անուշ, վիառքը տխուր քեզ տիրելու առեղծ-
ուածին . . .

Որքան սուզուիմ հոգիէդ ներս՝ դուն աւելի, կը հետանաս
Եւ որքան պերճ ծագիս իմ դէմ՝ ծաղկումիդ մէջ քու
այգային՝
Մայրամուտի օրերն այնքա՛ն կ'ըզգամ դաժան ու
վերահաս:

* *

Գարնան շունչին մէջ կենսախայտ արդէն ձմեռ կ'ապ-
թիլ ու ծաղիկ լոյսին առջեւ մահուան դողով կը տա-
տանին.
Գեղեցկութիւնն է պարզ շղարշ ցնորախաք մեր աչքերուն.
Անուշ օրերն ասուպներ են՝ մարդկային մութ հորիզոնին:

ՊԱՐԱՀԱՆԴԵՍ

Բեհեզներու, լոյսերու հեղեղին մէջ ժպտալիր՝
Դարձէք բոցեղ երազներ, դարձէք զոյգեր մոլեզին.
Երիտասարդ թէ տարէց՝ օր մը բոլորդ անխտիր
Պիտի պարէք դուք մահուան եղերական հանդէսին...

Օ՛ վարդագեղ միսերու թարմ կոհակներ տարփատենչ,
Դինեթաթախ շրթունքներ եւ դուք լանջքեր լուսաշող,
Փոթորկեցէք, յորդեցէք այս հեթանոս տօնին մէջ,
Օր մը, շուտո՛վ, ծեզ ամբողջ պիտի ծածկէ ափ մը հող:

Թող լար ու փող ու թմբուկ հնչեն մինչեւ լուսաբաց.
Այս յուսահատ, խելազա՛ր նուազին մէջ, չէ՞ք լսեր,
Կը հեծեծէ շարունակ կանչը մահուան բօթաբեր:

Դարձէք, դարձէք մոլեզին, դարձէք զոյգեր արբեցած,
Սիրտըս անհուն թախիծով կ'ուզէ ճչալ ծեզ համար,
Ցործանուտին տակ պարի կ'ուզէ թաղուիլ շնչասպառ:

1938

ՄԵԿՆՈՒՄ

Եւ ահա, իմ երազ, վերջացաւ, ա'լ չըկաս...
Անսահման ժամերու լոկ վայրկեանն իսկ բաւեց,
Որ իբրեւ լոյսի թեւ դուն յանկարծ հեռանաս
Եւ մնամ ես նորէն մութին մէջ՝ մահամերծ:

Հո՛ս էիր, ճիշտ կողքիս, սա՛ ծանօթ քարին մօտ,
Դեռ ծայնիդ երգն անուշ կը հոսի իմ չորս դին,
Դեռ կ'ըզգամ բիբերուս՝ նայուածքիդ փայլն աղօտ
Եւ թախիծն ալեծուվի՝ համբոյրիդ քու վերջին:

Բայց վաղուց է արդէն, դուն պարիկ սրաթեւ,
Կը սուրաս անդադար եւ կ'անցնիս դաշտ ու լեռ,
Աչքերուդ դէմ տամուկ կը շողայ նոր արեւ
Եւ արձակ մազերուդ կը կառչին լայն հովեր:

Գարունի օր մը վառ, իմ տարտամ ճամբռուս դէմ,
Տեսիլքի, բախտի պէս ես զտայ քեզ ժպտուն,
Իսկ աշոն է այսօր, ցուրտ աշոն դալկադէմ,
Ու նորէն չկաս դուն, նորէն գորշ մենութիւն:

Դուն գացիր ու տարիր քայլերուդ հետ անհետ
Կախարդանքն օրերու եւ նուազն այս կեանքին,
Դուն գացիր ափիդ մէջ՝ գգուանքներ արփաւէտ
Եւ մնաց թեւաբեկ՝ երկնամերծ իմ հոգին...

Ես արդ լուռ, անզգած եւ անշարժ իբրեւ քար,
Կուրծքիս տակ՝ խորանդունդ ծովերու խուլ երգեր՝
Կը նայիմ քաղաքին, ամբոխին տենդահար,
Կը նայիմ ես ինծի եւ ոչինչ չեմ յիշեր...

Բայց ինչպէս չտեսնել, չունենալ հիմա քեզ՝
Երազի եւ սիրոյ գերագոյն տօնիչն վերջ,
Եւ ինչպէս տալ մահուան, դեռ չեկած մահը մեզ,
Այնքան թարմ, լա՛ւ օրեր՝ մեր այս զո՞ւր կեանքին մէջ:

1937

ՄԵԿՆՈՒՄԷՆ ՎԵՐՋ

Ինչպէս հիմա սարերու
Դիտել այգը ոսկելոյս.
Ու միշտ խուրծ մը ծամերու
Կ'իջնէ գիշերն աչքերուս...

Ի՞նչպէս դառնալ ձեզ կրկին
Գարնան ծառե՛ր ծաղկաբաց.
Եր հասակի նազանքին
Ան ինձ կապեց ու գնաց...

Ինչպէս բախել. ընկերնե՛ր,
Զեր խնդութեան բաժակին.
Զոյգ մը քնքուշ, լո՛յս ձեռքեր
Սիրտըս գողցան ու տարին...

Ինչպէ՞ս քալել անհոգի՝
Այս ճամբուն մէջ բազմացաւ,
Ժըպիտ մը մո՛ւթ նայուածքի
Ինձ սպաննեց ու անցաւ...

Ի՞նչ ունիս դեռ, ո՞վ խեղճ կեանք,
Ինձի տալիք ալ հիմա.
Մնացի մերկ ու տնանկ,
Երբ Ան գնաց, Ան ըրկայ...

1934

ԿԱՐՈՏԻ ՆԱՄԱԿ

Կարօտդ իմ մէջ կը ծնի ծագող լոյսին հետ առտուն,
Բայց չի մարիր բայց կ'աճի՛, երբ զայ անդորր ու գիշեր.
Կարօտդ արդէն կը թուի մուլթ դարերու չափ անհուն,
Երբ ան հազիւ եօթ օրուան կեանք ու հասակ ունի դեռ:

Օրերու շարքն ուսերուս կ'իյնայ դիակ առ դիակ...
Ես եմ դահիճը կեանքիս՝ երբ չեմ հիմա քեզի հետ.
Կոպերս անզօր կը փակուին խղճիս տրտում բեռան տակ
Եւ տե՛ս, ահա կը գրեմ չարտասուելու համար գէթ...

Յաւերժութեա՛ն անգամ լուս բաւ է թախիծն այս հզօր.
Միայն մշուշ է չորս դիս, հոգեւարքի կիսամութ.
Ես մեզ հիւանդն եմ անբուժ, առանց վէրքի վիրաւոր,
Որ ժամէ ժամ կ'ըսպասէ սպեղանին աչքերուդ...

Կը հալածէ տեսիլքդ ինձ, իմ հեռաւո՞ր սիրելի .
Սմէն տեղ քեզ կ'որոնեմ՝ աստանդական, մտացիր,
Սեղմած կարօտը կուրծքիս՝ իբրեւ անկէզ մորենի,
Որ կը վառի անդադար, սակայն երբեք չի հատնիր:

Մրտիս ոչի՛նչ կը խօսի. — ո՛չ գաղափար, ո՛չ երազ,
Ո՛չ ցողաթուրմ բոյներու զուարթ զարթօնքն այգային,
Ո՛չ իսկ սա նոր կիներու խենթեցընող բոյրն անհաս.
Եւ ես կ'ապշիմ որ չի գար տակաւին վերջն աշխարհին:

Երբ դուն հեռուն հիմա կաս, գուցէ զուարթ, գուցէ լուրջ՝
Ես ի՛նչ ընեմ օդն ու ջուր եւ խարկանքներ երգեցիկ.
Ուզածը՝ թելն է վարսիդ, որ կը յորդէր վզիս շուրջ,
Ուզածը՝ լոյսն է դէմքիդ, որ զլացան ինձ մարդիկ:

Ի՞նչպէս կ'ապրիս, ո՞ւր ես արդ. գէթ կը լիշե՞ս ինձի դուն.
Ես հոս քեզ հետ եմ նորէն, քու ծեւերուդ, քու ծայնիդ.
Եւ միշտ ինձմէ բացակայ, քեզմով գինով ու զեղուն.
Ես զոյ կ'ըսեմ բառ առ բառ հին վիպերգը վընիտ:

Քեզմէ հեռու՝ կեանիքն ամբողջ ստուեր ու թուփի է աչքիս.
Եւ վեհափառ լութեամբ՝ միայն հասակդ է կանգուն
Հորիզոնին դէմ կեանքիս, բոցերուն տակ կարօտիս.
Որպէս ծառ մը ծաղկազարդ, մենաւոր ու սարսըսուն:

1934

ՏԱՍՆԸՆԵՐԿՈՒ ՏԱՐԻ ՎԵՐՋ

Տասնըերկու տարի վերջ, իբրեւ պարոն մ'արդէն մեծ,
Ես կը մտնեմ սրտաթունդ՝ դպրոցէն ներս մեր նախկին,
Ուր բացուեցաւ իմ առջեւ գրերու լոյսն առաջին,
Ուր մանկութիւնն իմ ամբողջ պայքարեցաւ, երազեց:

Տասնըերկու տարի վերջ նոյնն է նորէն ամէն բան...
Ահա՝ սեղանը մաշած, ուր հետքեր կան մատներէս,
Ծառերն ահա պարտէզի, որ եղան թառ յաճախ մեզ,
Եւ մեր հին զանգը խոշոր՝ որ կը կանչէր դասարան...

Ո՞ւր էք դէմքեր սիրելի, անցեալի բաղցը ընկերներ.—
Ոմայութի՛ւն է չորս դիս, հոս ինձ ո՛չ ոք կը նանջնայ.
Հոս արդ օտար մանուկներ կը ցատկուտեն անտարբեր:

Դպրոցն իմ շէն օրերու ինչպէս տիսուր է հիմա,
Կարծես ամէն կողմ մահուան իշած է սուզն ու քամին,
Կարծես այցի եմ եկած անցեալիս գորշ դամբանին...

1937

ՎԱՐՍԱՓՈՒՆՁԸ

Երբ բաժնեցիր զայն կեանքէդ հրամեշտի իբր ընծայ՝
Զդողացիր դուն այնքան,
Որքան մատներս այս գիշեր իր գիշերին մէջ ահա
Կը դողդոցին, կը հեւան...

Ի՞նչ տխուր է դիտել զայն. — կարծես մասունքդ է
Կարծես մեկնած ես անդարձ, [վերջին,
Եւ ես հիմա կը դպչին հէքեաթի մը մշուշին.
—Հին հրդեհին այս մնաց...

Բայց ան երէկ տակաւին վարսերուդ յորդ էջքին մէջ
Ուսիդ վըրայ կը ծփար,
Երբ ամբողջ կեանք ու ժպիտ՝ դէպի գորովըս անվերջ
Կը վազէիր դուն կայտառ:

Նետուած ափիս վինջիկն այս իրա՞ւ ալիք մ'է սառած
Ցնորածո՞վ վարսերէդ,
Որ փրփրեցան կուրծքիս դէմ օր մը մինչեւ լուսաբաց,
Ուր սուզուցայ ես անհետ:

Նոյն իսկ գուցէ թելեր կան իր հիւաքին մէջ այն խուրծէն
Որ յաճախ շուքն էր դէմքիդ
Եւ որուն տակ սաղարթուն՝ միշտ կը շուար մեղմօրէն
Սչքիդ երազը վճիտ:

Ան կը դառնայ քիչ առ քիչ սա լոռութեան մէջ վսեմ
Այնքա՞ն խօսուն, կենդանի.
Որ իր ամէն մէկ թելին կը բարձրանաս դուն իմ դէմ
Ինչպէս խոռվը մ'անտառի...

Շրթներս հինին պէս դարձեալ կը հակին խենթ ու գինով
Անոր մոայլ թաւիշին
Եւ արիւնիս մէջ ծփուն՝ քու հարազատ բուրմունքով
Մանուշակներ կը մեռնին...

Լուսնի լոյսին տակ ահա, բաղած փունջիդ վաղաժամ՝
Սիրտըս թաղարն է բիւրեղ,
Ուր կը ծաղկի վերստին, ուր կ'ուսնանայ ժամէ ժամ
Ան խորարմատ ու շքեղ:

Ինձ պարուրած քու շունչով՝ ան հոս գաղտնիքս է անհուն,
Ո՞չ ոք, ո՞չ ոք գիտէ մեզ.

Ես ի՞նչպէս արդ պահեմ զայն, որ յաւիտեան չանցնիս
Չանցնի հոգիս սիրակէզ։ [դուն,

Հեռուներէ՞ն՝ աղուաթեւ հովեր կուգան կը հպին
Իր պարոյրին մոգական,
Որ կը մեծնա՛յ, կը մեծնա՛յ, մահուան առջեւու կեանքին
Կ'ըլլայ հրեղէն հարցական . . .

1934

ԶԱՅՆԴ

Իրիկուններ կան խաղաղ ճամբուն վըրայ դաշտերուն,
Երբ ծայնըդ պարզ կը հնէչ միշոցին մէջ ահսահման՝
Սիրոյ տենդով բոցավառ երգի մը պէս յարաճուն,
Եւ ծովն իբրեւ երգեհոն՝ կ'ընկերակցի հեզածայն . . .

Ո՞չ մէկ ատեն դուն ինձի չես այնքա՛ն մօտ, լուսաւէտ,
Որքան այսպէս, առանձին, երբ արծագանզը ծայնիդ,
Անրջալուր կը հոսի քու հնուաւոր աշխարհէդ,
Կը գրկէ զիս, կ'օրօրէ ալիքներուն մէջ վճիտ։

Կը թափանցես ինձմէներս դուն համասփիւռ ծայնիդ մէջ
Ուր կայ զեփիւռը բուրեան քու ծամերուդ ծփանքին,
Սիածնաշող աչքերուդ աղապատանքը անշէջ
Եւ քալուածքիդ, ձեւերուդ ծանօթ կշոյթը նախկին։

Զայնըդ խորո՛ւնկ, թաւշային, մեղմ թախիծով թա-
թաւուն,
Որմով քնքուշ հնչեցիր մեռած վանկերն անունիս,
Որմով այնքան մոգական սիրոյ բառեր ըսիր դուն,
Զայնըդ՝ յուզո՛ւմ քնարի՝ կը սարսրոայ իմ չորս դիս:

Եւ եթէ օր մը յանկարծ ծաղկած ծառերը դաշտի
Ու զուրերու եզերքին՝ ուռենիներն անվրդով
Կարենային մեզ պատմել իրենց խըռովքը գաղտնի՝
Պիտի անշուշտ երգէին լոկ քու ծայնիդ երանգով:

Կեանքի ունայն աղմուկէն իմ յոգնատանջ սրտէս ներս
Զանգերու պէս երկնային կը հնչէ ծայնըդ յուշիկ.
Զայնըդ, որ ինձ աւելի՛ մտերիմ է քան թէ քեզ,
Որ կը կապէ իմ հոգիս Յաւերժութեան երջանիկ...

Օր մը դուն ալ կ'անհետիս այս աշխարհէն անցաւոր,
Մարմնիդ հըրաշքը չքնաղ կ'ըլլայ փոշի հողմավար,
Բայց կը մեայ ծայնըդ միշտ մարդոց վերեւ նորանոր
Եւ միջոցին մէջ անհուն կը ճամբորդէ դարէ դար...

1938

ԱԶ ՔԵՐ

Զեր մոգական հայելին պէտք էր իմ դէմ, ո՞վ աչքեր,
Որ տեսնէի, ճանչնայի՛ վեհաշուք դէմքը կեանքին
Եւ ծեր խորունկ զուրերուն պէտք էր անհուն մեղեղին,
Որ վարարէր իմ հոգիս երազներով անստուեր...

Ալ չունիք դուք մայրամուտ հորիզոնէն իմ կեանքիս,
Դուք, որ անուշ շողացիք օր մը յանկարծ իմ առջեւ
Եւ արեւուն դէմ ծագող իրեւ հզօր, նո՞ր արեւ՝
Ճամանչներով անխափան ուոգեցիք իմ ուղիս:

Դուք աղամանդն էք, աչքե՛ր, կեանքի, սիրոյ, յոյզերու
Ընդերկըրեայ դարաւո՛ր անտառներուն փըլուզած...
Զեր գերբնական լոյսին դէմ ո՛չ մէկ անդոհ ամպամած,
Ո՛չ մէկ խաւար ու հարցում ուժ կ'ունենայ տեւելու:

Աչքեր պայծառ, նուազուն, մօտ թէ հեռու, շարունա՛կ
ինձ կը քաշէք դուք ինչպէս մթին վիհեր կախարդիչ,
եւ իմ հոգիս թեւաբաց՝ կը գտնէ ճախր ու թըռիչ
ջեր ոլորտին մէջ ազատ, ինչպէս երկինք մանյատակ:

Ես չգտայ ձեզմէ զատ ո՞չ մէկ տեսիլք ճշմարիտ...
Զեր մէջ, ձեզ պէս քովէ քով միշտ կը հանգչին անբաժան
Անհունօրէն ծաւալած թախծոտ ստուերը մահուան
եւ կայծկլտուն, փայլակող Սրարչի Բանն ու ժպիտ...

Կեանքը ալիք առ ալիք կ'առուահոսի անընդմէջ՝
Թարթիչներու շուքին տակ՝ ձեր բարախուն ակերէն,
ևս կը լեցուիմ գարունո՛վ, նուազներո՛վ լուսեղչն.
Կեանքիս կաթիլը չնչին կը լուծուի ձեր ծովուն մէջ...

1938

ՀԻՒԱՆԴ ՍԻՐԵԼԻՍ

Գիշեր ու անձրեւ. շատ մութ է, շատ ուշ,
Բայց տե՛ս, ի՞նչ անուշ
Կ'անձրեւէ անչար,
Կ'անձրեւէ կարծես միայն քե՛զ համար...

Արթուն ես, գիտե՛մ, արթուն եմ եւ ես
Ու տրտում այնպէ՛ս.
Այս լացող պահուն՝
Կը խորհիմ անվերջ, որ հիւանդ ես դուն:

Կը խորհիմ որ արդ, սենեակիդ մէջ փակ
Պառկած ես մինակ.
Հիւանդ սիրելիս,
Գուցէ տենդ ունիս, գուցէ կը մսիս...

Դուն չեկար այսօք, ես եկայ քեզի
Հիւանդտես այցի,
Եւ սնարիդ մօտ
Մնացի դողդոջ—անբարբառ կարօտ:

Ժպտեցար գունատ, կարծես ծանրօրէն
Վերաւոր՝ սէրէն.
Ժպտեցար կրկին,
Կարծես դուն չէիր հին զուարթ ոգին...

Ճերմակներու մէջ, մազերըդ ցանցիր՝
Դուն հալա՛ծ էիր...
Կուրծքըդ կը հեւար
Լքումի մը մէջ խոնջ ու դողահար:

Բայց ի՞նչ քաղցրութիւն կար կոպերուդ տակ
Եւ ի՞նչ տառապանք՝
Դէմքիդ մեղմափայլ.
Օ, ի՞նչ լաւ գիտես դուն հիւանդ ըլլալ...

Նայեցայ երկա՛ր աչքերուդ մթին
Նուազուն բոցին,
Յետոյ ժպտեցայ,
Երբ կ'ուզէի լալ՝ ժպտած մեկնեցայ:

Եւ արդ կը խորհիմ՝ սենեակիդ մէջ փակ
Պառկած միայնակ,
Հիւա՞նդ սիրելիս,
Գզուանքի կարօտ գուցէ կը մաիս...

Կ'անձրեւէ անվերջ... Այսպէս անձրեւեց
Մեղմ կամ դառնահեծ՝
Բի՛ւր, հազարամեայ
Եկող եւ անցնող կեանք երուն վըրայ...

Կանգ առած, դաժան ու չարաշո՛ւք ժամ.
—Ես... ես կը վախնամ...
Քո՞ւն ես թէ արթուն.
ինչո՞ւ մօտդ չեմ.—բաց հիւա՞նդ ես դուն:

Անձրեւ է, զիշեր, շատ ուշ է, շատ մութ
Եւ տե՛ս, ի՞նչ անգութ
Կ'անձրեւէ երկար.
Կ'անձրեւէ կարծես միայն ինձ համար...

1935

ՏԱՐ ՍՐԴՈՂԱՆՔԻ

Եւ հիմակ, ան ու ես, ճամբուն մէջ իրար քով
կը քալենք միշտ հանդարտ իբրև պարզ ծանօթներ,
Նոյն իսկ գոհ կը ժամփինք անտարբեր խօսքերով,
Երբ մեր հին, լուռ հոգին կ'արինի անհամբեր...

Մեր սիրոյ լեռնաշունչ վեհութեան մէջ նախկին
Խոռվքի աղբիւր մ'արդ կը հոսի միալար,
Կարկան իր քինալուր կը լսենք դառնազին
Եւ կ'ուզենք որ ան դեռ արտասուէ անդադար...

Պարտէզի իրիկուան երգին հետ նուազուն,
Կիսաբաց իմ դոնէս կ'ըզգամ շուքն իր հովէ
Լայնաթեւ զլխարկին եւ ճերմակ վիշերուն.
Բայց հիմակ, ան ու ես կը վախնանք իրարմէ...

Լուսնաշաղ մշուշով օրօրուն գիշերներ,
Երբ յորդի մեր հոգին ու ծղրիթն աղուածայն
Երբ տեղայ ձորն ի վար կարօտի կանչը մեր՝
Մենք ի զուր սրտաթունդ կ'ըսպասենք ոտնածայն...

Մարդոց մէջ այնպէս սառն կը դիտենք մենք մեզի,
Այնպէս թոյլ ու հապարտ կը սեղմենք իրար ձեռք,
Որ յաճախ կասկածով կը խորհինք մեկուսի՝
Թէ իրաւ չունեցանք ո'չ անցեալ, ո'չ երէկ...

Բայց ինչո՞ւ, յիմա՛ր կեանք, կեղծիքն այս սնապարծ.
Քանի միշտ իր եւ իմ շրթունքին կը դողայ
Իրարու սուրբ անուան նոյն աղօթքն երկիւղած՝
Մենք ինչո՞ւ կը ժամփինք ուրիշին անխնայ...

Ճորեանի ոսկեծուփ արտերուն ընդմէջէն,
Ծաղկարծակ դաշտերէն, սարերէն լուսավառ.
Մեր երազ օրերուն կը փախչի շարքն արդէն
Ու մենք լուռ կ'ըսպասենք նոյն բառին, որ չի գար...

1935

ՄԱՐԴՈՒՆ

Ո՞վ մարդ հպարտ, արքայ ծովուն, ցամաքին,
Ո՞ւր ալ ապրիս, ո՞վ ալ ըլլաս հիմա դուն,
Յետին բանուոր եւ կամ իշխան մեծատուն՝
Ես կը գթամ քեզ իմ խիղճով մարդկային...

Քու երկերով, երազներով հոյաշէն
Դուն յաւիտեան անկար մրջին մըն ես լոկ՝
Անոր համար, որ զիտէ լուռ եւ անհոգ՝
Նայիլ վրադ լեռան մը սէգ կատարէն...

Կուգաս աշխարհ, կ'ընես շրջանըդ անդարձ՝
Ճակատագրի հզօր թաթին միշտ հլու,
Եւ կ'անհնոտիս, առանց երբե՛ք գիտնալու,
Թէ ո՞ւր կ'երթաս, ինչո՞ւ կայիր ու չկաս...

Ուժ մ'անողոք կը վարէ քեզ մութին մէջ,
Կը բախէ քեզ քու նմանիդ սիրական
Ու կը հանէ յանկարծ անդունդը մահուան
Քու ծարաւիդ, կարօտներուդ դէմ անվերջ...

Մտքիդ ճըրազը, որ անզօր կը դողայ,
Հազիւ կրնայ նետել շառայլ մ'արիւնոտ
Կեանքիդ անլոյծ հանգոյցներուն դէմ ցաւոտ
Եւ եղկելի քու մերկութեանըդ վըրայ...

Տիւ ու գիշեր, ո՞վ թշուառ մարդ, ո՞վ եղբայր,
Ճեծեծանքիդ ծովն է միայն մութ կամ խաժ,
Որ կը ծեծէ կեանքի ափունքն ապառաժ,
Ուր ես անքուն միշտ կը հսկեմ դողահար...

Ծիծաղդ անգամ եւ հրճուանքներըդ բոլոր
Սրցունքիդ չափ դառն են, տրտում, յուսահատ,
Եւ անոնց խենթ թաւալումին մէջ ընդհատ՝
Լոկ կը գուայ մողեզնութիւնըդ անզօր...

Ո՞վ մարդ հպարտ, արքայ ծովուն, ցամաքին
Եւ ստեղծիչ հրաշքներու անհատնում,
Ո՞ւր ալ ապրիս, ո՞վ ալ ըլլաս հիմա դուն՝
Ես կը գթամ քեզ իմ խիղճով մարդկային...

Ի ԶՈՒՐ ԿԸ ՓՈՐՁԵՍ

Ի զուր կը փորձես ժապտիլ ինձ այդպէս .
Տաք շեշտը ծայնիդ ուրիշ է հիմա .
Ճիգ մը կայ կոտրած՝ ո'ղջ անձիդ վըրայ .
Աչքերըդ կ'ըսեն՝ ալ դուն հինը չես . . .

Իմ կեա՞նք . իմ արեւ , ի՞նչ եղաւ քեզի ,
Նոյնն է մեր առջեւ սիրոյ հին ճամբան .
Օրերն են խաղաղ . նոյնն է ամէն բան .
Մեր միջեւ ո'չ մէկ ստուեր կը յածի :

Այս էր վերջն այնքա՞ն շքեղ երազին .
Օ , ես իմ ձեռքով քանդեցի քիչ-քիչ
Մեր հոգին պատող խորհուրդն հմայիչ
Եւ արդ «մեծ սիրոյ» ձանձրոյթն եմ մթին . . .

Ի՞նչպէս եւ ինչո՞վ սէրըդ կոչեմ սուտ .
Անշեղ մեր ուխտէն՝ միշտ կուգաս դուն դեռ
Բաշխելու զգուանք , սիրոյ հին խօսքեր .
Եւ խղճիդ առջեւ անմեղ ես անշուշտ :

Բայց ահաւոր է զգալ քու հոգիդ
Համբոյրիդ մէջն իսկ՝ օտար , սառնադէմ ,
Գթացող միայն տառապանքիս դէմ ,
Որ ինձ մութին մէջ կ'ըսպառէ շիթ-շիթ :

Գէթ լա՛ւ է , որ ա՛լ չխաբենք իրար .
Դուն շա՛տ ես բարի եւ ես շատ հպարտ .
Մեր մէջ կը խօսի երկու տարբեր մարդ .
Յանո՛ւն անցեալին՝ մեկնինք անբարբառ . . .

Եւ ուշ է արդէն ժապտիլ ինձ այդպէս ,
Տաք շեշտը ծայնիդ ուրիշ է հիմա ,
Ճիգ մը կայ կոտրած՝ ո'ղջ անձիդ վըրայ ,
Աչքերըդ կ'ըսեն՝ ալ դուն հինը չես . . .

1935

ՀՐԴԵԼԸ

Դուն ինձ ըսիր .—

« Տարապայման ու անծիր՝

Կ'ուզեմ հրդեհ մ'այս աշխարհի հրաշքն ,
Որ հրկիզուի յաւերժին մէջ գաղտնօրէն .
Չտայ երբեք սրտի յափրանք , մոխրադէզ
Ու կեանքն հողէ վարագուրէ աչքերէս :»

Ես վառեցի

Քեզի համար եւ ինծի՝

Սրտիս վրայ , իմ ծեռքերով այս զինով՝
Հրդեհ մը զինջ , խայտազրւարթ բոցերով .
Որ երկընքի խորութեան պէս կապտաւուն՝
Կը սլանար մինչեւ շիթերն աստղերուն . . .

Դուն ինձ ըսիր

Արտասուելով ժպտալիր .—

« Ա՞հ , ի՞նչ հրդեհ աչքերուդ մէջ ու սրտիդ ,
Ի՞նչ կապոյտ լոյս եւ բոցարիւն ի՞նչ ժպիտ . . .

Կ'ուզէի լուռ դպչիլ անոր մէկ անգամ ,
Յետոյ հանգիստ իյնալ մեռած վաղաժամ : »

Ես բռնեցի

Զեռքէդ ամուր եւ տարի

Դէպի խորքերն անտառացող հրդեհին ,

Ուր հեթանոս ողջակէզի մեղեղին

Եւ ցնծութեան սազմոսն ու պարն օրհնածայն
Կ'երգէին քե՛զ , աստուածացումըդ միայն . . .

Դուն ինձ ըսիր .

Երբոր հազիւ նետեցիր

Ճասակդ անուշ թեւերուն մէջ բոցերուս .—

« Ո՞ւր եմ ես հոս , օ շատ է լուռ , շատ է լոյս ,
Հոս չկայ կեանք եւ ազատ օդ իմ կուրծքիս ,
Ե՛տ տար կեանքին , ճրագներուն , ե՛տ տար ինձ : »

Եւ դուն գացիր

Նոր կանչերու տնկընդիր . . .

Բայց հրդեհն այս , որ վառեցի քեզ համար .

Որ ճամբուդ դէմ զո՛ւր կը միայ անդադար .

Մահէն առաջ եւ մահէն ետք ես հիմակ

Ի՞նչպէս մարեմ աչքերուս մէջ , կուրծքիս տակ . . .

1935

իմ խենթ, իմ խենթ, շուքդ աներեր
Հորիզոնին իսկ չի հասնիր,
եւ քեզ երբեք չ'արծագանգեր
լեռներու պարն անկարեկիր...

Զուր է, հառաչ մ'անգամ չես դուն
Անհուն վշտին մէջ մարդկային.
Ինչո՞ւ դեռ լալ, եղի՛ք ներհուն,
Ո՞չ վերջինն ես, ո՞չ առաջին...

Ինչքան ալ մեծ ըլլաս դուն, Վե՛շտ,
Գետնատարած ու խելայեղ՝
Կը զթամ քեզ, դուն խեղճ ես միշտ,
Օրօ՛ր կուրծքիս դէմ սիրազեղ,
Օրօր, օրօր, քնացիր...

Այդքա՞ն արիւն՝ չ'արժե՛ր, ի՞նչ փոյթ...
Եթէ կրնաս նախ ճանչցիր քե՛զ,
Ժամանակի հունն ի վար մութ՝
Ի՞նչ ես որ դուն, ո՞վ եմ որ ես...

Հանդարտէ՛, Վե՛շտ, նայէ՛ չորս դիդ,
Աստուածային ի՞նչ վեհութիւն
Անջրպետին մէջ լուսաշիթ
Եւ ի՞նչ օրօր՝ Օրէնքն անհուն...

Քեզ չեմ լրեր, դո՞ւն միայն կաս,
Դուն, որ ծնար եր աչքերէն,
Իմ որբացած անգի՞ն տղաս,
Մենք միասին կ'ապրինք նորէն...

Բայց պէտք է քա՛ջ, հպարտ ըլլալ...
Ես քեզ հէքեաթ պատմեմ յուշիկ,
Ես վաղը քեզ գնեմ զարծեալ
Նոր երազի մէկ նոր սրինգ...

Ու ժամն արդէն կուզայ շուտով,
Երբ կը ննջեմ ես ալ քեզ մօտ
Յաւերժական անուշը քունով,
Երբ ալ չ'երգեր ձայնը խոպոտ՝
—Օրօր, օրօր, քնացիր...

1934

ԱՆՄԱՀՈՒԹԻՒՆ

Անմահութիւն, իմ մէջ գուն մահէն առաջ մահացար...
Չուրկ Անյայտին մեծ յոյսէն՝ զիտեմ արդպարզ ու մեկին,
Որ դեռ լեզուս չաւարտած կեանկի Հարցումն արփավառ՝
Կը գտնէ զիս ալ մահուան հին Պատասխանն անքնին:

Հաճոյքի մէջ թէ ցաւի, ամէն զիշեր, առաւօտ,
Կը հնտեւի քայլերուս դաւադիր շուրքը մահուան.
Թեւերուս մէջ ես կ'ըզգամ անոր կապարը թունոս,
Սաոցակոյտերն իր ծածուկ՝ արիւնիս մէջ կը լողան...

Ինչպէս նայիլ, նուիրուիլ այսօր կեանքի աչքերուն,
Երբ քաղցրաշող իր լոյսին կարօտանքով տոչորուն՝
Վաղն ամենուն պէս անզօր պիտի մարիմ ես ընդմիշտ:

Օ՛ մոոցըւի՛մ թող յաւէտ, թող ինձ մարդիկ չըլիշեն,
Որ ո՛չ եկած, ո՛չ մեկնած ըլլամ այս սուտ աշխարհէն,
Որ գէթ հեգնանքն ապրելու ըրլալ այնքան չարախինդ:

1938

ՍԻՐՈՅ ԾԱՂԻԿԸ

Էնկերոջ մը

Օր մը յանկարծ գուն գտար սիրոյ ծաղիկը՝ բացուած...
Պարտէզիդ մէջ սերմն անոր բերին հովերը բախտին.
Եւ գուն երբեք չզարկիր բահըդ ժըլատ այս հողին,
Քու քրտնաթոր ճակատէդ ո՛չ մէկ կաթիլ ինկաւ ցած...

Որպէսզի շուտ ուռնանար սիրոյ ծաղիկը քնքուշ՝
Կարօտ էր միշտ փոխնիփոխ երջանկութեան արեւուն
Եւ վշտերու, արցունքի անձրեւացօղ ամմպերուն.
Իսկ գուն միայն ունէիր խինդ ու ժպիտ անայլայլ...

Շատ էր փխրուն եւ նրբին սիրոյ ծաղիկը քնքուշ.
Զեփիւոի մեղմ թեւերով պէտք էր հայիլ միշտ անոր,
Բայց չգիտցար եւ անյագ շնչեցիր զայն ամէն օր.
Զայն սեղմեցիր տենդագին մատներուդ մէջ անզգուշ:

Սիրոյ ծաղիկը կրնար լուսավրթիթ մնալ միշտ
Քու պարտէզիդ լուսւթեան եւ խորհուրդին մէջ միայն
Մինչ դուն հալա՛րտ քու գանձով, մինչ դուն զինով
յաղթական՝
Անցար մարդոց աշխարհէն՝ զայն անցուցած լամբակիդ...

Եւ խամբեցաւ քու կեանքէդ սիրոյ ծաղիկը յանկարծ.
Սյսուհետեւ դուն անշուշտ ճամբուդ վըրայ շարունակ
Պիտի գտննես ծաղիկներ բազմաբուրեան, բազմերանգ,
Սակայն ըլկայնոր գարուն սիրոյ ծաղիկին թառամած...

1937

ՍՊԱՆՆԵՑԻ ՔԵԶԻ, ՍԷ՛Ր ...

Ապաննեցի քեզի, սէ՛ր, քիչ մ'ամէն օր, շարունակ,
Ուղղած քու նետրդ քեզի՝ ատելութեան ծեռքին մէջ...
Բու պերճափառ գահոյքէդ ինկար ընդմիշտ մահաշէջ
Եւ արդ դիակ մըն ես դուն յուշերուս գորշ դէզին տակ:

Ես ափիս մէջ ալ կրնա՛մ ճզմել ծաղիկ մը հանդարտ.
Առանց դողի նայիլ շե՛շտ զոյգ մ'աչքերու հրդեհին.
Կրնամ տենչալ իբրեւ էգ՝ լուսամարմին ամէն կին
Եւ հեզնանբով մղել ետ երազ, երդում ու հաւատք...

Ապաննեցի քեզի, սէ՛ր, աւա՛ղ, սիրսս ալ քեզի հետ.
Մէ՛կէիք դուք, ան եւ դուն, մէ՛կ էք ծեր զարկը յաւէտ.-
Ես մնացի կեանբին դէմ արդէն սնանկ, արդէն ծեր...

Թէեւ ուժե՛ղ եմ հիմա, ե՛ս եմ յաղթողն աննկուն,
Բայց ես ինչպէ՞ս կ'ուզէի ըլլալ գերիդ քան թէ տէք՝
Եթէ միայն դուն կրկին առնէլը նոր յարութիւն...

1936

ԾՈՎԱՓԻՆ

Ծո՞վ, դուն ճանչցար ինծի նախ իբրեւ մանուկ ոսկեհեր,
երբոր բոպիկ, կիսամերկ՝ կը թռչէի խութէ խութ.
Իմ թեւերուս զարկին տակ չունէիր դուն դեռ վիհեր,
եւ հոգիս պա՛ր մըն էր խենթ՝ երգերուն մէջ զուրերուդ:

Յետոյ տեսար ինձ յաճախ վոռուած ժայռի մը վըրան,
ինքնամոռաց, սեւեռուն հորիզոնիդ բոցերուն,
երբ վողթորիկ'կն էր իմ մէջ երազներու մոգական,
երբ իմ անհո՛ւն եսիս դէմ այնքա՛ն պզտիկ էիր դուն:

Եկան օրեր, զարուններ, ես կանգնեցայ այս ափին,
Սեղմած հալարտ իմ կուրծքիս միշտ նոյն տեսիլքը անշէջ.
Կոհակներէդ բարձրացաւ միշտ նոյն անուան մեղեղին
եւ անձրեւող լոյսի պէս՝ տեղաց հոգիս ծոցիդ մէջ:

Ու տակաւին, կը յիշե՞ս, մութ գիշերներ անձկութեան՝
եկայ քեզի յուսահատ եւ տենջացի վատօրէն
Ծփանքիդ մէջ վեհափառ գտնել անդորր ու կայան.
Զի կիսովին ընկղմած նաւ մըն էր կեանքըս արդէն:

Այսօր տարտամ, անտարբեր՝ ահա քու դէմն եմ դարձեալ.
Բայց ալ չունիս ինձ տալիք ո՛չ մէկ խորհութէ, ո՛չ մէկ դող
եւ աղօթքի, երգերու, հառաչներու տեղ անցեալ՝
Շրթներուս մէջ կը գտնես լոկ գլանիկ մը հատնող...

1937

ԵԿՈՒՐ. ՄԵՆՔ ԼԱՆՔ ՄԻԱՍԻՆ

Ի՞նչ ախտոք բան, զիանալ
թէ մարմին մ'ունի ցնորբդ:
Բնիսրա

Եկո՞ւր, մենք լանք միասին այն լա՞ւ աղջիկն անցեալի,
Որ դուն երբեմըն էիր եւ որ հիմա ա'լ չես դուն.
Այն աղջնակը լուսէ, համա'կ երազ ու ոգի.
Որ ողջ մեռել մ'է վաղոց օրերուս դէմ դեռ կանգուն:

Ինչպէս անմահ էիր դուն, երբ կ'ըզգայի քեզ անհո՞ւն՝
իբրեւ ծաղկած ծառերու եւ ջուրերու մեղեղին,
երբ դուն էիր տակաւին անճառ խորհուրդն աստղերուն
եւ կամ ճամբուս մէջ ծագած լոյս ու տեսիլք երկնային:

Ինչո՞ւ հասայ քեզ, աւա՛ղ, ինչո՞ւ եկար մօս այնքա՞ն,
Որ իմ աչքերըս գինով հոգիէդ ներս թափանցեն,
Որ իմ թեւերըս գրկեն մարմնիդ կմախքն հողեղէն:

Ես ունեցայ քեզ ամբողջ եւ դուն մեռար յաւիտեան.
Հիմա քու հին փառքիդ մէջ կ'անցնիս անվերջ իմ քովէն՝
իբրեւ մեռած երազիս դուն կենդանի գերեզման...

1936

ՆՇԵՆԻԻ ԾԱՂԿԱԾ ՈՍՏԸ

Այսպէս պայծառ էր Ապրիլի առտուն,
Այսպէս արբեցած՝ ծառ, ծաղիկ ու հով,
երբ մենք արեւով ու երգով զեղուն՝
Կ'անցնէինք այս նոյն դաշտերու ճամբով...

Մեր ստուերը զոյգ, շոյանքի պէս զերմ,
Կ'իյնար ծիլերու ծփանուտ ծովին,
եւ մեր աչքերու վառ երազին դէմ
Կը փոռէր կանանչ երազը հողին...

Այսպէս գարուն էր, երբ կը սարսըռար
Մեր առջեւ կանգնած նշենին բոցեղ.
Երբ ես քաղեցի ոստ մ'իրեն համար՝
իբրեւ հոգիիս ծառէն լուսագեղ...

*
**

Ապրիլ է նորէն գաղց ու շողարծակ,
Նորէն թեւանցուկ զոյգեր կան չորս դիս.
Եւ ես նո՞յն ճամբէն կը դառնամ մինակ,
Նոյն ծառէն ծաղկած ոսաւ մը իմ ծեռքիս...

Բայց այսօր որո՞ւն տանիմ զայն ընծայ,
Կեանքըս ու հոգիս դատարկ է յաւէտ,
Ճուքըս իմ կողքիս մինակ կ'երերայ,
Ծաղիկը ծեռքէս կը թափի փերթ-փերթ...

1936

ՎԵՐԱՊՐՈՒՄ

Շարժանըկարի պաստառին վըրայ,
Աղջկան մը նուրբ, թախծանուշ դէմքին՝
Իմ մեռած սիրոյ ստուերը տեսայ
Եւ հոգիս լացաւ երկա՛ր, ցաւագին...

Տուն դարձող մաշա՛ծ պանդուխափ մը պէս,
Այսօր անցեալիս դուն առջեւ բաց՝
Սիրերզը կեանքիս վերապրեցայ ես
Շարժանըկարի պաստառին դիմաց...

Եւ իմ օրերուս գորշ հողաթումբին
Ծաղկեցան յանկարծ բողբոջներ դալար
Եւ շողաց սիրոյ դալկահար արփին...

Նոր երազներու ժպիտով պայծառ՝
Իմ անձըս կորած ես այսօր գտայ
Շարժանըկարի պաստառին վըրայ...

1937

ԳԻՇԵՐԱՄՈՒՏ

Յնորական, անսահման ջրվէժի պէս վիրիբագին՝
Սարալանջէն դար ի վար կը հոսի գեղմն ամպերուն.
Կը ծովանայ տարածուն զիւղին վրայ հովիտին.
Ուր դեռ լոյսեր կը մնան կողիներու պէս ծփուն...

Օրհներգութիւն զանգերու... ճախրող թեւեր թռչունի.
Մայրիներու եւ մարդոց կուրծքին վրայ հեւացող
Գիշերն ահա լուսնի լոյս՝ վերէն յուշիկ կը թափի՝
Իբրեւ բուրեան բալասան եւ հեշտազով իբրեւ ցող:

Այս սարերուն դէմ վսեմ, երկընքին տակ սրբազան
Աչքերըս խոնջ կը փակուին, հոգիս տակաւ կը ցաւի. —
Այնքա՞ն մեղք կայ կեանքիս մէջ, այնքա՞ն արիւն խըլ-
ճիս վրան:

Բայց ես կ'ըզգամ լոռութեան տրոփիւնին մէջ մեծղի.
Որ դուն միշտ կաս, ո՞վ Սատուած, ո՞վ անհուն սէր
մեծազօր
Եւ դեռ կրնաս ինձ փրկել, եթէ քեզի գամ այսօր...

1937

ԿԱՂԱՆԴԻ ԳԻՇԵՐ

Մայթին վրայ կը հնչեն քայլերն օտար անցորդին
Եւ արձագանգն՝ ալիքներով յարանուն՝
Կը թեւածէ միջոցին մէջ ահարկու
Եւ յոգնասպառ կը հանգչի սենեակիս խորն ամայի...
Ճրագիս ցուրտ լոյսին տակ՝ Սմանորի իրիկուն.
Տրում, անյոյս լոռութիւն.
Այնքա՞ն խորունկ լոռութիւն, որ կը յանգի անդունդի,
Որուն ափին ես կը հսկեմ երկիւղած
Եւ կ'ըսպասմ եոր-տարին...

Շուն մը հեռուն, մութին մէջ կը կաղկանձէ ցաւագին...
Բա՛ց է հիմա ամէն անկիւն, ամէն դուռ
Լուսարձակին դէմ՝ աչքերուս.
Եւ ես այսպէս մոռցուած, այսպէս անոք, մենաւոր՝
Կ'ապրիմ կեանքովն ամէն շունչի մարդկալին:
Ժպիտներու, ցնծութեան եւ սէրերու խորն անմեղ
Ես կը տեսնեմ, թէ ի՞նչ ցաւ,
Ի՞նչ ոճիրներ կը գարբնուին անզիտակ՝
Վաղուան համար աշխարհին...

Օթոյ մ'յանկարծ կը սուրայ գլրդագին, զահավէժ...
 Տեղ մը հիմա երդիք մը կայ գիւղական,
 Անպարագիծ խաղաղութիւն եւ անդորր.
 Տեղ մը յուշի՛կ կը տեղան ծիւնի փափուկ փաթիլներ
 Եւ օճախի մը ճարճատուն բոցին շուրջ
 Կը կայծկլտան խարտիշագեղ զլու խնել...
 Տեղ մը հիմա, շա՛տ հեռուն,
 Կայ մանկութիւն մը մոցուած ու լքուն,
 Հին աղօթրի չափ անուշ...

Հաւ մը հեռուն կը խօսի անժամանակ, խուլ ձայնով.
 Հանդիսաւոր գիշերին մէջ սրբաւանդ,
 Մերկ որմերէն սենեակիս՝
 Սհա զէմքեր, ստուերներ ու տեսիլքներ կը յառնեն...
 Ե՞րբ լիցուցաւ այսքա՞ն շշուկ իմ չորս դիս
 Եւ այսքան շունչ ինկարոյր...
 Մազերուս մէջ, աչքերուս, դէմքիս վրայ եւ ճակտիս
 Յիշատակներ կը թեւածեն, կը հալանցեն մեղմօրէն՝
 Համբոյրներու պէս անիւթ...

Քաղաքին վրայ կը տեղայ անծրեն առատ, միալար...
 Քնարական սիրոյ տարափ մ'ալ ահա
 Կ'իջնէ սրտիս անդաստանին մէջ անծայր՝
 Իաղոց խոպան, անջրդի...

Զերմ գգուանքներ կը հասուննան մատներուս
 Եւ շրթունքներըս կ'այրին նուիրումի բառերով.
 Բայց ո՞վ մնաց, բայց ո՞վ ունիմ ես այսօր,
 Որուն առջեւ սփոէի կեանքըս իբրև.
 Մաղիկներու փունջ մը թարմ...

Զանգե՛ր, զանգե՛ր ողբաշունչ կը զողանշեն ծագէ ծագ...
 Ժամն է մահուան եւ յարութեան խորհուրդին...
 Դուրսը մութին մէջ թրջած
 Ուրուականներ կը տանին մեռած դիակն չին-տարուան
 Անդունդն ի վար Անհունութեան դամբանին...
 Ծանր է դագաղն այս անցնող, ուր կը հանգչին յաւիտեան
 Հազար կեանքեր, եւ վազքն ամքող մարդկութեան,
 Ուր կը հանգչին եւ իմ յոյսերըս մանուկ
 Եւ իմ երազըս պարման...

Սրտիս սեմին կը բախէ հուժկու մահակ մ'երկաթէ...
 Ո՞վ այս ժամուն կու գայ այսպէս ինձ այցի.
 — Բացուէ՛, հոգինս, կաղանդ Պապիկն է ահա,
 Ալեմօրուս, հրացեայ՝
 Հին օրերու կաղանդ Պապիկը բարի
 Եւ կը բերէ բեզ մոմե՛ր, պէս-պէս մոմեր վարդագոյն...
 Շո՛ւտ, շտապէ՛, վառենք զանոնք ամպածածուկ աստղե-
 Որ վաղը երբ ծագի արեւը նորէն՝ [ըէն,
 Լոյս ունենանք մեր ճամբուն...

ԿԱՂԱՆԴԻ ԱՌԱԻՕՏ

Այս առաւօտ քաղաքի եռուզեսին մէջ դժխնմ
Ես կը նետուիմ կարօտով, երգը շուրթիս, տիլաբա՛ր...
Քա՛ղը է կոփու կեանքին իր վէրքերո՛ւն իսկ համար,
Աշխատանքի ամէն մուրճ կ'իջնէ սրտիս սալին դէմ:

Քայլերուս տակ վեհնթաց կը թափի քուրծն ուսերէս,
Քուրծը մարդոց կրբերուն, ծեր բառերու մեղկութեան.
Եւ ցաւատանց անցեալիս մղձաւանցին ետք ունայն՝
Ես արդ մե՛ծ իմ ինծի դէմ ու մտերիմ՝ լոյսի պէս...

Շուրջիս միջոցը խեղդող ահա տակաւ կը փլչի.
Եւ ծեծուած չորս հովերէն, լա՛յն հորիզոնն իմ առջեւ,
Ես կը կանգնիմ կուրծքս բաց, այնպէս պայծառ ու թեթեւ
Ինչպէս օր մը աշխարհին յանձնեց իմ մայրըս ինծի:

Հեռուներէն—լ'նչ հրաշք—մեր սառնեղէն սարերուն
Կը փչէ շունչը կորած զիղերուս մէջ հրածիգ,
Որոնց պողպատ թելերէն կ'ելլէ ալիք առ ալիք
Թագուն ուժի, առնութեան գինովութիւնը թրթուն:

Եւ դուք արդէն կը տեսնէք, իմ մեռնելնե՛ր հայրենի,
Հոգիս կրկէսն է դարձեալ նաւասարդեան տօներու,
Ուր արքաներ ու վաշտեր կը շեփորուին այս առտու,
Եւ զվազելըն եղանց եւ զծուխըն ծխանի...

Ոչիս հաւատքը նետած բարձունքներուն մեր ամայ,
Դիւցազներու հայկազուն արիւնավառ ուղիէն՝
Զեր կորաըւած երազին կ'երթամ հասնիլ ես նորէն
Եւ արշալոյսը կեանքիս բանալընդմի՛շո կեանքին վրայ:

1934

ԶԱՏԿԻ ԱՌԱԻՕՏ

Կ'իջնէ լոյսի ծիրանին քաղաքի խոնջ ուսերուն .
Զանգերը զի՞ւ կ'աւետին մեծ յաղթանակը կեանքի .
Բաց փեղկերէ կը ժամտին նոր ծաղիկներ սալարուն
Եւ ճռուողիւնը յոյսի ծիտերուն հետ կը թռչի :

Փողոցներուն մէջ տակաւ օրը ազատ կ'արթննայ .
Հագուստներու երիներանգ կը ծաղկի տօնն անդադար .
Եւ հարուստ թէ աղքատի նախկին մոռայլ դէմքին վրայ՝
Խաչին անյայտ ցոլքերուն կ'իյնայ հրճուանքն հաւասար :

Ժամուորներու խումբին մէջ կ'երթամ զուարթ նորոգ-
երակներէս կը յորդի սիրոյ ալիքն արփաւշ լուած ,
Եւ ես հողին հետ կ'ըզգամ , ո՞վ յարուցեալ Մարդ Աստ-
ուած ,
Որ քու հոգի՛դ կը շրջի գարնան այս զով շունչին հետ :

Խիղճըս կապոյտ է այսօր երկընքին պէս ու խորի՛ն .
Աշխարհի դէմ կը լեցուիմ ես անսահմա՛ն հիացքով ,
Կ'աճի տըրովին արիւնիս զոհաբերման մե՛ծ կըրքին
Եւ շըմներն իմ կը դողան եղբայրութեան համբոյրով :

Այսօր օտար զանգերն իսկ ունին լեզուն Նարեկի .
Հի՛ն , կորսըւած ծայներով հոգիս հարո՛ւստ է նորէն .
Սչքերուս մէջ կը բացուին մրգաստաններ հայրենի
Ու տեսիլըներ մեսելի իմ կարօտիս կը վազեն ...

Ահա կ'երթամ ես դարձեալ , նման անմեղ հին տղուն ,
Մեր մատուոին մէջ նժղեն ծնբաղըրել անձկագին ,
Հայ տաղերու խորհուրդով հաղորդըրէիլ դարերուն
Եւ բարձրանալ հայրերուս հըրաշազօր հաւատքին ...

1933

ՅԻՇԱՏԱԿ

Քեզմով ծաղկեցաւ գարունը կեանիքիս .
Եւ երբ գան դալուկ օրերն աշունին ,
Երբ սառի ճերմակ ձմեռը չորս դիս՝
Քու յիշատակդ ինձ պիտի տայ վերջին
Ճամանչը ջերմին :

Միայն մէկ անգամ անցար դուն կեանիքս
Եւ դպար ինձի լոկ անգամ մը ճիշտ
Դուն լուսահանդերձ տևախթի մը պէս ,
Բայց պիտի խնկէ յիշատակը միշտ
Օրելս ամբարիշտ :

Քու հըրեշտակի ծեռքըդ երկնածօն
Բացաւ երազի շղարշն ինձ համար ,
Աչքերըդ դարձան սրտիս հորիզոն .
Եւ յիշատակդ ինձ պիտի պահէ վառ ,
Անմահ դարէ դար :

Շատեր իմ ճամբէս եկան եւ անցան
Թուխ եւ բոցակէզ կամ խարտեաշ ու զով ,
Որոնց հրայրքէն արիւնս է գինով ,
Բայց յիշատակիդ հովանին միայն
Կ'իջնէ իմ վըրան :

Ո՞ւր ես դուն արդիօք եւ ո՞վ ես հիմա ,
Կեանքի՞ն տարիածու , թէ մահուան գերի .
Ի՞նչ փոյթ... ամէ՞ն տեղ , անհո՛ւն բացակայ ,
Յիշատակըդ քեզ կ'ընծայէ ինձի
Միշտ թարմ , կենդանի...

1937

ԴՈՒԻՔ, ՄԱՍԻԿՆԵՐ ՍԵՒԱԶԳԵՍՏ...

Դուք, մամիկներ սեւազգեստ, կորաքամակ ուրուական
Մազաղաթեայ այտերով ու ծամերով ձիւնեղէն,
Դուք էք միայն մեր ազգին վերջին մայրերն իրական,
Որ կը շարժիք դեռ հոս-հոն իբրեւ ստուեր անցեալէն...

Հրաշազօր ի՞նչ կորով մինչեւ ափերն այս օտար
Չեզ կը պահէ դեռ կանգուն՝ աւերածէն ահաւոր
Եւ ի՞նչ երակ ծեր սրտէն կուտայ արիւն մշտավառ
Այն սերունդին՝ որ ծնաք, եւ հայ ցեղին դարաւոր:

Արդէն կմախք լանջքին տակ ծեր հոգին ծո՛վ է նիրհած,
Ուր յոյսերու, երազի եւ գանձերու բովանդակ
Առազաստներ սուզուեցան, երբ փոթորիկն որոտաց
Եւ ուր նայիլ վերստին կը սարսափիք ա՛լ հիմակ...

Կորսնցուցած ամէն բան, մօր արցունքներն իսկ զերմին՝
Դուք կը փարիք նոր կեանքին դողդոզելէն լուռ ու մունջ,
Կարծես դեռ միշտ սեւեռուն՝ ինկածներու շարանին
Եւ ունկընդիր՝ հնծքերուն անապատին մահաշունչ:

Մայրե՛ր փարթամ օճախսի, հարս ու թոռան անհաշիւ,
Հիմա մինակ, կիսաքաղց, խուցերու մէջ ցրտահար,
Միշտ փառք տալով Սատուծոյ՝ դուք կ'մանէք ցայդ ու տիւ
Սեւ օրերու վաստակին նոյն բարակ թելն անսպառ...

Գուցէ արեւը կանանչ վերջին զաւկի մը դեռ ողջ
Չեր աւերակ գոյութեան կ'ըլլայ լո՛յս ու խնդութիւն,
Բայց բոլորի՛ն համար դուք սիրս ու գորով էք ամ-
եւ անո՛ւշ է մեղրի պէս նկարչագեղ ծեր լեզուն։ [բողջ

Դուք հայրենիքն էք շարժուն, մէյ-մէկ գաւառ կենդանի.
Ներկայի «Սուտ-երազ»էն աչքերնիդ փակ երբ կ'անցնիք՝
Դուք կ'ապրիք լոկ ամէն ժամ մշտարթուն կեանքն ան-
ցեալի
Մեր սարերուն, մեր ջուրին եւ մեր լուսնին բացառիկ։

Սակայն ինչե՛ր չեն բախիր ծեր այս զլխուն ալեհեր,
Ի՞նչ սրբապիղծ շքեղանք, քանի՛ բարքեր բարուքանդ,
Որոնց դէմ դուք կը մնաք միշտ անողոք պահակներ
Մեր տոհմային լո՛յս խղճին, իմաստութեան հնաւանդ։

Միակ բաց դուռն ընտանի՝ դուռն է ժամուն հայկական,
Ուր կը հասնիք հեւ ի հեւ, ծարաւ՝ խունկի, մոմերու,
Ու կը հանէք երկիւղած՝ օրուան հացի ծեր լուման
Հայ հաւատրի անյատակ գանձանակին նետելու . . .

Բարի՛, բարի՛ հայ մայրեր, ահա կ'իյնանք ծեր առջեւ.
Օրհնեցէք մեզ սրտազին ծեր իսկ ծեռքով թառամող,
Որ չմարի կէս համբուն աստղ ու հաւատք՝ մեր վերեւ
Եւ ծեզի տանք ծեր մահուան հայ աշխարհին ափ մը հող...

1935

ՍՊԱՍՈՒՄ

Կեանքըս ըրած կայարան, շուրջըս՝ աղմուկ ու մարդիկ,
Կապած ծրար, պայուսակ, տեսած ամէն հաշուեփակ՝
Անկիւն մը լո՛ւռ, ծեռնածալ՝ ես կ'ըսպասեմ շարունակ
Երջանկութեան եւ բախտի ճեպընթացին բացառիկ:

Մեծ ու պզտիկ գնացքներ կուգան ամէն օր կ'անցնին . . .
Եւ երբ վերջին համբոյրի պահերու մէջ զերագոյն՝
Թաշկինակներ կը ծփան, կը բաշխեն սէր ու ողջոյն՝
Ես կը մնամ ինքնասոյզ եւ ունկընդիր անյայտին . . .

Կ'ըսպասեմ կո՛յը հաւատքով կառաշարին սրընթաց,
Որուն սոյլերն ականջիս կ'արծագանզեն աղուածայն,
Որ պիտի գայ շոգեպինդ, պիտի սուրայ յաղթական
Դէպի կապոյտ հեռուներ եւ ոսկեղէն լուսաբաց . . .

Եւ մինչ ես հոս եմ այսպէս՝ ո՛չ մնացող, ո՛չ մեկնող՝
Դուրսն ի՞նչ հասուն հաճոյքների զուր կ'իյնան ոստերէն,
Որքան ծաղիկ կը թօշնի զերմ մատներու կարօտէն
Եւ ի՞նչ գանձեր սրտիս մէջ լոյս չտնսած կ'ըլլան հող...

Կ'իջնեն օրերն իմ վըրաս եւ նորէն զո՞ւր կը մարին,
Ինձ ստուերներ կը փաթթնեն եւ կը քակուին անդադար,
Դալարիքին տեղ կրկին կը փոռի ծիւնն ալեփառ,
Բայց կ'ըսպասեմ ես անվերջ երջանկութեան Գնացքին...

Գուցէ ցնորք մըն է ան եւ չի պիտի զայ երբեք,
Գուցէ անցաւ ան արդէն եւ աչբերն իմ չընանչցան
Եւ կամ գուցէ պիտի զայ հեռաւոր օր մը միայն,
Երբ ես ըլլամ մահացած կամ ալեւոր մուժաբեկ...

1937

ԳԵՏՆ ՕՐԵՐՈՒՄ

Կը հոսի գետն օրերուս թաւալումով զահավէժ,
Կեցած ափին կը դիտեմ վազքն իր պղտոր, միալար,
Բայց ո՛չ կրնամ ես նետել հոգիիս ցանցն անոր մէջ,
Ոչ ան կուգայ քշել ինձ ալիքներուն հետ վարար...

Օտարական մը ինչպէս՝ ես կը ծզեմ անվրդով,
Որ կեանքս ալիք առ ալիք անցնի երթայ առջեւէս,
Երբ իմ շրթներըս կ'այրին զինջ ակերու պապակով,
Երբ պուտ մը զուր կ'աղերսեն արտու արօտ տօթակէջ...

Ու ես գիտեմ, որ շուտով, այսօր կամ վաղը գուցէ,
Դեռ չընանչցած ակն անյայտ եւ վախճանն իր մթաստ-
ուեր՝
Ան կը ցամքի աշխարհէն եւ ո՛չ մէկ հետք կը ծզէ...

Կը հոսի գետն օրերուս ի զուր, անդարձ, ցաւագին...
Ես կը դիտեմ զայն ինչպէս պիտի դժբախտ մը դիտէր
Իր իսկ բացած երակէն հոսող արիւնը վերջին...

1967

ԿԵՆԴԱՆԻ ՄԱՀԱՑՈՒՄ

Ա.

Քո՛ւն, միայն քո՛ւն, անարեւ ու աներազ...
Օրերն անծայր մշտւշի պէս կ'իջնեն վրաս.
Մեռան իմ շուրջ բոլոր ծայներն ալ ահա,
ես մտածելն իսկ մոոցայ:

Ալի՛ք, ալի՛ք բարձրացաւ ծովը կեանքին
Եւ ողողեց ջահուած տաճարն իմ սրտին...
Երգ եւ աղօթք ա՛լ չեն հնչեր հոն հիմա.
Ես իմ հաւատքն իսկ մոոցայ:

Ծաղիկներու եւ կիներու գարնան դէմ
Բաց աչքերով կոյրի մը պէս կ'ըսպասեմ...
Լոյսի, բոյրի դարձայ ընդմի՛շտ անզգայ,
Օ՛, ես սիրելն իսկ մոոցայ:

Խղճիս վրան կ'իջնէ մութ ծեռքը մահուան...
Երազներըս արդէն հատ-հատ մարեցան.
Առանց կամքի՝ ամէն հովի ենթակայ՝
Հպարտութիւնս իսկ մոոցայ:

Ալ չեմ ճանչնար փառքն անցեալիս լուսեղչն.
Ալ չեմ դողար մեր կորած տան կարօտէն.
Առանց տենդի, ես դասալիք, վա՛տ տըղայ՝
Մայրըս յիշելն իսկ մոոցայ:

Անյայտ ու ծեր գընովի մը շուքն եմ արդ,
Որ ինկած է մայթերու մէջ լուսազարդ...
Ո՛չ մէկ տենչանք, ո՛չ մէկ ժըպիտ ու թախիծ.
Ո՛վ մահ, ո՛վ մահ, կեանք տուր ինձ...

1933

F.

Ո՞չ մէկ ատեն կեանքըս չեղաւ այնքան թշուառ,
Այնքա՞ն աղքատ ու տրտում,
Որքան հիմա, երբ ունիմ միշտ խնճոյք ու պար,
Գինի ու երգ ու խնդում :

Աշխարհն օտար խուժեց իմ մէջ ու նուանեց,
Ան զրաւե՛ց ինձ ամբողջ .
Հիմա հոգիս լքած անդարձ իր տունը մեծ՝
Կը թափառի յոգնախոնջ :

Ի՞նչ դարձայ ես .—ստուեր մը լոկ, ոստ մը ծիփուն՝
Այս ծովուն մէջ մարդկային .
Կուրծքըս անհեւք, աչքըս անքոց, բայց միշտ ժպտուն՝
Ես կ'ապրիմ կեա՞նքն ուրիշին . . .

Ես չկրցայ ափի մը կապոյտ պահել ինծի
Երազներուս երկընքն ,
Ո՞չ իսկ գոնէ գանծարանէս շող մը ոսկի ,
Որ տաքցընէր ինձ նորէն :

Հաճոյք ու ցաւ կ'անցնին քովէս եւ կ'անհետին ,
Օ՛, մի՛շտ ծանծրոյթ աներեր .
Ինձ բնութիւնն անզամ կախարդ կը թուի սին ,
Սնրջական պարզ պատկեր :

Որքա՞ն ատեն ինքըս իմ դէմ ես չեմ նստած
մտերմաբար, առանծին
Եւ չեմ նայած իմ աչքերուս մէջ լայնաբաց՝
Երկար, խորունկ ու լոին :

Երքեմն յանկարծ կուրծքիս խորէն ծայնը խղճիս
Կը բարձրանայ լալազին ,
Բայց ես զգո՛ւշ՝ օրօրի տեղ՝ կը յանձնեմ զիս
Կեանքի դափի ու թմբուկին :

1937

ՔԱՅԼԵՐԳ ՄԱՀՈՒԱՆ



Ալ հերիք է, խե՞նթ հողի,
Սյս աշխարհին ալ մեկնի՞նք.
Հանդարտ ու վեհ, ծեռք-ծեռքի,
Դէպի զիշերն աներկինք,
Իմ խե՞նթ հողիս, ա՛լ մեկնինք...

* * *

Ի՞նչ ունինք արդ, ի՞նչ մնաց.—
Լոկ յոգնութիւն անսահման,
Լոկ պարապ մը միգամած՝
Ցամքած ծովու մը նըման:

Ինչպէս մինա՛կ լքուեցար
ճամբուն մէջտեղ քառաթեւ,
Չեղաւ անկիւն մը պայծառ
Արշաւիդ դէմ հեւ ի հեւ:

Կայնցաւ լուէ կուրծքիդ տակ
Օրերուն վէրքը թունոտ
Եւ նոր մոխիր, նոր գարշանք
Բերաւ ամէն մէկ կարօտ...

Խարսիշագեղ մանչն երազ
Ընդմիշտ մեկնած է արդէն,
Զայնն իր վաղուց կորսըւած,
Տե՛ս, կը կանչէ մեզ նորէն,
Ի սէր գրկի՞ն իր մեկնինք...

Մենք մեր արեւը կանաչ՝
Սյս ծեռքերով դեռ անյազ
Մահուան փառքին ընդառաջ
Միրով բերենք պատարագ:

Ի՞նչ փոյթ թոշնիլն անունիդ,
Թաղուած գանձերը բոլոր,
Ի՞նչ փոյթ երկունքն երազիդ՝
Ես դիակառքդ եմ այսօր:

Քեզ կը տանիմ յամբօրէն
Սա կեղծիքի քաղաքին
Խելացընոր անդոհին՝
Մահուան անմա՛հ հանգստին:

Մեզմէ յետոյ թող կրկի՞ն
Անցնին զոյգեր թեւ-թեւի,
Կրկին երգն ալ ճշագին
Սմէն յարկէ դուրս յորդի . . .

Թող թոչուններ թեւածեն
Տանիքներէն արեւոտ
Եւ բարտիներ սօսավին
Լուսնէն նուաղ լճին մօտ :

Աւելի ջինջ ու զուարթ
Ըլլայ երկինքը գարնան,
Զըթառամի ո'չ մէկ վարդ,
Փուշ ու տատասկ չմնան :

Անցէք անլաց, անժըպիտ,
Ցիշտակներ մանկաղէմ,
Անցէք լոյսեր շիթ առ շիթ
Ճնորքներուս երկինքն :

Մահացէք մունջ, անտրտունջ,
Տենդ ու որոտ կըրքերու,
Մահացէք դուք՝ ոսկեհունչ
Բոժոժներ հին սէրերու :

Մենք չենք ուզեր ալ կրկին
Դառնալ մարդոց խեղճութեան,
Մենք չենք նայիր մեր ետին,
Կ'երթանք անզիղ, անվարան :

Անիւթ ու բարձր ենք ահա
Զով բոցերու մէջ ծփուն,
Մեր շուրջն անվերջ կը լայննայ
Դաշն ու հնչեղ լըռութիւն . . .

Ինչպէս ճաճանչ մը մարտղ
Ու նուազ մը նըւաղուն,
Ինչպէս հեռուն մթասքող
Փլող ալիքը ծովուն՝
Շուտ, ալ մեկնինք, անհետինք . . .

Մեր երթն ստուեր մը ըլլայ
Եւ խոնկի ամպ մը թեթեւ,
Խորութեան մէջ գիշերուայ՝
Մեր երթն ըլլայ զոյգ մը թեւ . . .

Այսպէս քաղցր է վերանալ
Մունջ աղօթքի պէս անտեն,
Մոմ ու դագաղ չունենալ
Եւ ողբազանգ ո'չ մէկ ծէս :

Մէկը չի լար մեզ համար
եւ ո'չ մէկ շիւղ կը փոխուի,
Մենք երբե՞ք չենք ունենար
Արիւնող սիրաւ մը գաղտնի:

Անիծահար զերթ ուրու՝
Ամբոխի սեւ գետին մէջ,
Անձրեւին տակ լոյսերու
Քալենք մինակ դէպի վերջ:

* *

Արդէն հովերն են ՚Նինջի՝
հորիրդաշունչ եւ խըռով.
Արիւնս արդէն կը յորդի՝
Անդէնական գինիով,
Արդէն ո'ւշ է, ալ մեկնի՛նք...

Կ'ըզզա՞ս կամարն հեռացող
հաւարներու թաւշապատ,
Կ'ըզզա՞ս բոյրերն հոգեցօղ՝
Բացաստանին դեռ անյայտ...

Լոյշ՝ հոգի՛ս, օրօրն հին
Թմբուկներու խո՛ւլ ու զերմ
եւ արծագանգն յաւերժին
Մեր քայլերու չափին դէմ...
Օ՛, եղի՛ր քաջ, կը հասնինք...

* *

Բացուեցէ՛ք լայն, դարպասնե՛ք
Անձանոթին մոգական,
Ալ հեւասպառ, անհամբեր՝
Կ'ուզենք գրկել ապագան:

Նուագն ահա՛ լուսահոս՝
Սիրոյ անհուն զուրերուն,
Ահա՛ կեանքի տօ՛նն է հոս,
Աստուածացում եւ գարուն...
Աչքըդ փակէ՛ եւ նետուինք...

• • • • • • • • • •

• • • • • • • • • •

1983

ՍԹԱՓՈՒՄ

Խուլ հառաջանքի, ցաւի, անձկութեան
Միշտ նոյն գիշերին սահմանուած չխ դուն.
Բախտին խաղն է սա, վայրկեան մը դաժան,
Անցի՛ր բացեակատ՝ նայուածքըդ հեռուն...

Ամենուն փնտուած ճոխ սեղանին քով
Այսօր անզիջող, լո՛ւռ խսավըրօն՝
Վաղը դուն սակայն կը հասնիս շուտով
Բոցավառ փառքի ուրիշ հորիզոն...

Մեռած յոյսերու, մեռած հաւատքի
Պաղ գերեզմանին պահակը չխ դուն.
Սա լոկ վործութեան քունն է, որ կ'անցնի,
Աղօթէ՛ հանդարտ զարթօնքի ժամուն...

Չորս դիդ ալեկոծ կիրքը խուժանին
Մինչ կը սողուկի քու քայլերուդ տակ՝
Դուն գիտես ժալտիլ, դուն կ'երթաս կրկին՝
Կամքըդ տիրական, հոգիդ շողարձակ:

Հոս չէ քու ճամբադ, հոս չունիս կայան,
Խեղճ զահաճներու այս ցեղին չխ դուն.
Թո՛ղ հարուածեն քեզ, պահ մը թող ցնծան,
Դուն զարկըդ պահէ՛ գալիք մարտերուն:

Եւ ահա՛, զգո՛ւշ, ականջ դիր կուրծքիդ,
Խոռվի մ'անլուր զանգերն են արդէն,
Որ քեզ կը կանչին քու մեծ երազիդ
Տղմուտ օրերու տարտամ մշուշին...

1935

ԿՐԱԿԸ

Փետրուարի ցուրտ գիշեր . դուրսը՝ անձրեւ ու քամի . . .
Ընկողմանած ծուլօրէն վառ գոլին դէմ ակութին՝
Ես կը ծխեմ հեղտանքով եւ կը խորհիմ մեկուսի՝
Իմ հեթանոս պապերուս , որ կրակն այս պաշտեցին :

Դուրսը՝ որոտ ու տարափ եւ սուր շնորհեր կայծակի . . .
Բոցաշունչ կեանքը հատնող հրաբորքոք ածուխին
Երակներուս մէջ տակաւ կը թափանցէ , կը հոսի ,
Ու կը խորհիմ ես անոնց՝ որ անկրակ կը մսին . . .

Ես կը խորհիմ իմ կեանքիս , որուն գարունն ալ անուշ
Պիտի անցնի օր մ'անշուշտ սառ հովերուն դէմ աշնան ,
Պիտի ըլլայ իմ չորս դիս տերեւաթափ ու մշուշ . . .

Բայց երբ իջնէ իմ վրաս ծիւնն ու ձմեռը վաղուան՝
Պիտի գտնե՞ս , ո՞վ հոգիս , ակութին մէջ օրերու
Քիչ մը կրակ դեռ անշէջ . քանի մը կայծ տաքնալու . . .

ՅԱՆԿ

1968

ՑԱՐԱԿ

Էջ

Անունի մը համար	7
Զբոյց երազի մը հետ	9
Երգ յամեցման ու կարօտի	10
Իմ արիւնս	12
Առաջին սէր	13
Բազոսի սեղանին առջև	15
Երբ կը խորհիմ քու վրադ	18
Գարնոն անձրևին	20
Յիշատակ	22
Տարակոյս	24
Պարահանդէս	26
Մեկնում	27
Մեկնումէն վերջ	29
Կարօտի նամակ	31
Տասնըրկու տարի վերջ	33
Վարսափունջը	34
Չայնդ	37
Աչքեր	39
Հիւանդ սիրելիս	41
Տաղ սրդողանքի	44

Մարդուն

Ի զուր կը փորձես

Հրդեհը

Օրօր

Անմահութիւն

Սիրոյ ծաղիկը

Սպաննեցի քեզի, սէր . . .

Ծովափին

Եկո՛ւր, մենք լանք միասին . . .

Նշենիի ծաղկած ոստը

Վերապրում

Գիշերամուտ

Կաղանդի գիշեր

Կաղանդի առաւօտ

Ջատկի առաւօտ

Յիշատակդ

Դուք, մամիկներ սեազգեստ

Սպասում

Գետն օրերուս

Կենդանի մահացում (Ա. և Բ.)

Քայլերգ մահուան

Մթափում

Կըակը

46

48

50

52

54

55

57

58

60

61

63

64

65

68

70

72

74

77

79

80

84

90

92

500

Տպարան և Արտ.ԲՍՀ
Պէյքուր
1928

ՀՀ Ազգային գրադարան



NL0394245

32629

ԳՐԱԴԱՐԱՆ

ՍՈՒՐԵԱՆ ԵՒ ԹՐԱՆՍԱ 10 ԹՐԱՆՔ
ԱՐՏԱՍԱՀԱՄԱՆ 50 ՍԵՆԹ

Հեղինակի հասցեն

M. DJENDEREDJIAN

COLLEGE ARMENIEN

127, Rue Wadi Abou Djémil

BEYROUTH, Liban
